



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՀԱՆՁՆԱԺՈՂՈՎ**

Ո Ր Ո Շ ՈՒ Մ

նոյեմբերի 2021 թվականի N° ---Ա
ք. Երևան

**«ԷՆԵՐՋԻ ՀԻԴՐՈ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԿՈՂՄԻՑ ՆԵՐԿԱՅԱՑՎԱԾ ՎԱՐՉԱԿԱՆ ԲՈՂՈՔԻ ՀԻՄԱՆ ՎՐԱ ՀԱՐՈՒՑՎԱԾ
ԲՈՂՈՔԱՐԿՄԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ**

Հաշվի առնելով, որ՝

ա) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) 2020 թվականի մայիսի 20-ի N°169Ա որոշման 2-րդ կետով «ՋԻՆՋ-ԱՐՓԱ ՀԻԴՐՈ» սահմանափակ պատասխանատվությամբ ընկերությունը (այսուհետ՝ ընկերություն) պարտավորեցվել է նշված որոշումն ուժի մեջ մտնելու պահից (2020 թվականի հուլիսի 11-ից) քառասունհինգօրյա ժամկետում՝ մինչև 2020 թվականի օգոստոսի 17-ը, հանձնաժողով ներկայացնել 6 775 000 (վեց միլիոն յոթ հարյուր յոթանասունհինգ հազար) դրամ գումարի երաշխիք՝ մինչև 2022 թվականի մայիսի 8-ը գործողության ժամկետով, ինչը մինչ օրս չի կատարվել,

բ) Հանձնաժողովը, հիմք ընդունելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի «բ» կետը, 2020 թվականի օգոստոսի 18-ին ընկերության նկատմամբ հարուցել է վարչական վարույթ՝ Հանձնաժողովի 2020 թվականի մայիսի 20-ի N°169Ա որոշման 2-րդ կետով նախատեսված պարտավորության խախտման փաստի ուսումնասիրության նպատակով, որի մասին ընկերությունը ծանուցվել է Հանձնաժողովի 2020 թվականի օգոստոսի 18-ի N°ԳԲ/34.1-Մ2-5/3502-2020 գրությամբ,

գ) ընկերությունը 2020 թվականի օգոստոսի 25-ին հանձնաժողով է մուտքագրել գրություն, որով վկայակոչելով N°ՎԴ/4540/05/20 վարչական գործի առկայությունը՝ պնդել է «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «ա» ենթակետի հիմքով հարուցված վարչական վարույթի կասեցման անհրաժեշտության մասին,

դ) հիմք ընդունելով «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «ա» ենթակետը՝ Հանձնաժողովի 2020 թվականի սեպտեմբերի 2-ի №303Ա որոշմամբ կասեցվել է ընկերության նկատմամբ հարուցված վարչական վարույթը՝ մինչև վարչական դատավարության կարգով քննվող №ՎԴ/4540/05/20 գործով վերջնական դատական ակտի կայացումը,

ե) 2021 թվականի մարտի 17-ին տեղի է ունեցել ընկերության անվանման և գտնվելու վայրի փոփոխություն, որի հիման վրա Հանձնաժողովի 2021 թվականի մայիսի 19-ի №191Ա որոշմամբ ընկերությանը տրամադրված էլեկտրական էներգիայի (հզորության) արտադրության ԼԷ №0621 լիցենզիան վերաձևակերպվել է «ԷՆԵՐՋԻ ՀԻԴՐՈ» սահմանափակ պատասխանատվությամբ ընկերության անվամբ,

զ) 2021 թվականի սեպտեմբերի 14-ին Հանձնաժողովում մուտքագրվել է №ՎԴ/4540/05/20 գործով Հայաստանի Հանրապետության վարչական դատարանի 2021 թվականի հունիսի 30-ին կայացված վճիռը՝ օրինական ուժի մեջ մտնելու վերաբերյալ նշումով: Նշված վճռով մերժվել է ընկերության հայցն ընդդեմ Հանձնաժողովի՝ մասնակիորեն՝ այն է քառասունհինգօրյա ժամկետում 6.775.000 ՀՀ դրամ գումարի երաշխիք ներկայացնելու պարտականություն ընկերության համար սահմանելու մասով Հանձնաժողովի 2020 թվականի մայիսի 20-ի №169Ա որոշման 2-րդ կետն անվավեր ճանաչելու պահանջի մասին,

է) «Վարչարարության հիմունքների և վարչական վարույթի մասին» օրենքի 49-րդ հոդվածի 3-րդ մասի հիման վրա 2021 թվականի սեպտեմբերի 17-ից ընկերության նկատմամբ 2020 թվականի օգոստոսի 18-ին հարուցված և կասեցված վարչական վարույթը վերսկսվել է, որի մասին ընկերությունը ծանուցվել է Հանձնաժողովի 2021 թվականի սեպտեմբերի 17-ի №ԳԲ/34.1-Մ2-5/3189-2021 գրությամբ,

ը) Հանձնաժողովի 2021 թվականի սեպտեմբերի 29-ի №358Ա որոշմամբ որոշվել է Հանձնաժողովի 2020 թվականի մայիսի 20-ի №169Ա որոշման 2-րդ կետով սահմանված երաշխիքը Հանձնաժողով չներկայացնելու համար կասեցնել ընկերությանը տրամադրված ԼԷ №0621 լիցենզիայի գործողությունը՝ մինչև խախտման պատճառի վերացումը,

թ) 2021 թվականի նոյեմբերի 1-ին Հանձնաժողովում մուտքագրվել է ՀՀ վերաքննիչ վարչական դատարանի 2021 թվականի հոկտեմբերի 15-ի որոշումը, որով ընկերության միջնորդությունը բավարարվել է. հարգելի է համարվել ՀՀ վարչական դատարանի 2021 թվականի հունիսի 30-ի վճռի դեմ վերաքննիչ բողոք ներկայացնելու դատավարական ժամկետի բացթողումը, և վերաքննիչ բողոքն ընդունվել է վարույթ,

ժ) 2021 թվականի նոյեմբերի 8-ին Հանձնաժողովում մուտքագրվել է ընկերության վարչական բողոքը, որով վերջինս պնդել է, որ տվյալ դեպքում N°ՎԴ/4540/05/20 վարչական գործով առկա չէ օրինական ուժի մեջ մտած դատական ակտ ու խնդրել անվավեր ճանաչել Հանձնաժողովի 2021 թվականի սեպտեմբերի 29-ի N°358Ա որոշումը,

ժա) Ընկերության՝ Հանձնաժողովի 2021 թվականի սեպտեմբերի 29-ի N°358Ա որոշման դեմ 2021 թվականի նոյեմբերի 8-ին ներկայացված վարչական բողոքի հիման վրա հարուցվել է բողոքարկման վարույթ, որի մասին ընկերությանը տեղեկացվել է 2021 թվականի նոյեմբերի 8-ի N°ԳԲ/34.1-Մ2-3/3797-2021 գրությամբ,

ժբ) «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «ա» ենթակետի համաձայն՝ վարչական մարմինը պարտավոր է կատարել վարչական վարույթը, եթե անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը,

ժգ) Հանձնաժողովի 2021 թվականի սեպտեմբերի 29-ի N°358Ա որոշման բողոքարկման վարույթի շրջանակում փաստվել է, որ նշված վարչական վարույթի հետագա ընթացքն ուղղակիորեն կախված է Հայաստանի Հանրապետության վերաքննիչ վարչական դատարանի վարույթում գտնվող N°ՎԴ/4540/05/20 գործի քննության ելքից, քանի որ տվյալ դատական գործով հայցի առարկան Հանձնաժողովի 2020 թվականի մայիսի 20-ի N°169Ա որոշման այն կետի վիճարկումն է, որի խախտման փաստով Հանձնաժողովի 2021 թվականի սեպտեմբերի 29-ի N°358Ա որոշմամբ կատարվել է ընկերությանը տրամադրված էլեկտրական էներգիայի (հզորության) արտադրության ԼԷN°0621 լիցենզիայի գործողությունը, ուստիև նման պայմաններում անհնարին է սույն վարչական վարույթի արդյունքում ակնկալվող վարչական ակտի ընդունումը մինչև հիշյալ դատական գործով վերջնական դատական ակտի կայացնելը, և

հիմք ընդունելով «Վարչարարության հիմունքների և վարչական վարույթի մասին» օրենքի 49-րդ հոդվածի 1-ին մասի «ա» ենթակետը և 60-րդ հոդվածի 1-ին մասը՝ **Հանձնաժողովը որոշում է.**

1. Կատարել «Էներջի Հիդրո» սահմանափակ պատասխանատվությամբ ընկերության կողմից 2021 թվականի նոյեմբերի 8-ին ներկայացված վարչական բողոքի հիման վրա հարուցված բողոքարկման վարույթը՝ մինչև վարչական դատավարության կարգով քննվող N°ՎԴ/4540/05/20 գործով վերջնական դատական ակտ կայացնելը:

2. Ընկերությանը՝ ընդունել ի գիտություն, որ իրավասու է սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության վարչական դատարան:
3. Սույն որոշումն ուժի մեջ է մտնում 2021 թվականի նոյեմբերի 24-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ. ԲԱՂՐԱՄՅԱՆ

ք. Երևան
նոյեմբերի 2021թ.